

# U R E D B A

## O KATEGORIZACIJI VODOTOKA\*

### Član 1.

**Vodni tokovi ili njihovi potezi i jezera (u daljem tekstu: vodotoci) i vode obalnog mora u Socijalističkoj Republici Bosni i Hercegovini, čije se vode prema namjeni i stepenu zagađenosti raspoređuju u klase prema Uredbi o klasifikaciji voda ("Službeni list SR BiH", broj 2/67), dijele se u četiri kategorije.**

---

Do donošenja podzakonskog propisa o kategorizaciji voda po članu 123. stav 4. Zakona o vodama ("Službene novine Federacije BiH", broj 18/98), u skladu sa članom 242. stav 2. tog zakona, Uredba o kategorizaciji vodotoka ("Službeni list SR BiH", broj 42/67) primjenjivaće se privremeno kao federalni propis.

Prema Uredbi o kategorizaciji vodotoka svi vodotoci, podzemne vode, prirodna jezera i obalno more u granicama Bosne i Hercegovine - Federacije Bosne i Hercegovine podjeljeni su u četiri kategorije (I, II, III i IV).

### Član 2.

**U I kategoriju raspoređuju se vodotoci i obalno more čije vode moraju ispunjavati uslove klase I, u II kategoriju uslove klase II, u III kategoriju uslove klase III, a u IV kategoriju raspoređuju se vodotoci čije vode moraju ispunjavati uslove klase IV.**

---

Vodotoci, jezera i obalno more u Federaciji Bosne i Hercegovine po odredbi ovog člana podjeljeni su u četiri kategorije (od I do IV) u zavisnosti od namjene vode i dozvoljenog stepena zagađenosti voda utvrđene podzakonskim aktom o kategorizaciji voda po članu 123. stav 4. Zakona o vodama ("Službene novine FBiH", broj 18/98), a do donošenja tog propisa po Uredbi o klasifikaciji voda i voda obalnog mora Jugoslavije u granicama Socijalističke Republike Bosne i Hercegovine ("Službeni list SR BiH", broj 19/80).

U I kategoriju raspoređeni su vodotoci, jezera i obalno more čije vode moraju ispunjavati I klasu voda, u II kategoriju raspoređuju se vodotoci, jezera i obalno more čije vode moraju ispunjavati uslove II klase voda itd.

### Član 3.

**Radi određivanja normativa za izgradnju objekata i uređaja za ublažavanje zagađenosti ili za prečišćavanje zagađenih voda, ograničenja ispuštanja odnosno zabrane ispuštanja zagađenih voda, vodotoci i obalno more na teritoriji Socijalističke Republike Bosne i Hercegovine raspoređuju se u slijedeće kategorije:**

#### **1. Rijeka Una**

- a) od granice Socijalističke Republike Hrvatske do Martin Broda**
- b) od Martin Broda do ušća u rijeku Savu**

**Kategorije**

**I  
II**

---

\* "Službeni list SR BiH", broj 42/67

2. Rijeka Sana	
a) od izvora do Prijedora	II
b) od Prijedora do ušća u rijeku Unu	III
3. Rijeka Unac	
a) od izvora do Drvara	I
b) od Drvara do ušća u rijeku Unu	II
4. Rijeka Vrbas	
a) od izvora do Gornjeg Vakufa	I
b) od Gornjeg Vakufa do Banja Luke	II
c) od Banja Luke do ušća u rijeku Savu	III
5. Rijeka Pliva	
a) od izvora do Plivskog jezera	I
b) Plivsko jezero i do ušća u rijeku Vrbas	II
6. Rijeka Ukrina	II
7. Rijeka Bosna	
a) od izvora do ušća rijeke Željeznice	I
b) od ušća Željeznice do ušća rijeke Miljacke	II
c) od ušća rijeke Miljacke do ušća u rijeku Savu	III
8. Rijeka Miljacka	
a) od sastavaka do novog kolektora sarajevske kanalizacije	II
b) od novog kolektora do ušća u rijeku Bosnu	III
9. Rijeka Stavnja	III
10. Rijeka Zgošća	III
11. Rijeka Lašva	II
12. Rijeka Spreča	
a) od izvora do akumulacije Modrac	II
b) akumulacija Modrac	II
c) od akumulacije Modrac do ušća u rijeku Bosnu	III
13. Rijeka Jala	
a) od izvora do kolektora nove kanalizacije grada Tuzle	II
b) od kolektora nove kanalizacije grada Tuzle do ušća u rijeku Spreču	III
14. Rijeka Drina	II
15. Rijeka Lim	II
16. Rijeka Sava	
a) od ušća rijeke Une do ušća rijeke Bosne	II
b) od ušća rijeke Bosne do ušća rijeke Tolise	III
c) od ušća rijeke Tolise do ušća rijeke Drine	II
17. Rijeka Neretva	
a) od izvora do naselja Ulog	I
b) od Uloga do republičke granice	II

## **18. Rijeka Trebišnjica**

- a) od izvora do brane "Gorica"**
- b) od brane "Gorica" nizvodno**

**I**  
**II**

## **19. Obalno more između naselja Neum i Klek**

**II**

**Pritoke vodotoka ili njihovih poteza koji su raspoređeni u I kategoriju, raspoređuju se u istu kategoriju.**

---

Utvrđivanje određene kategorije vodotoka, jezera i obalnog mora u ovom članu, ima dugoročan cilj da se trajno, odnosno što duže zadrži (sačuva) propisani kvalitet voda na određenoj dionici vodotoka, na određenom prirodnom ili vještačkom jezeru ili dijelu obalnog mora. To znači da se izgradnja objekata i uređaja za prečišćavanje otpadnih voda i ispuštanje zagađenih voda u određeni kategorisani vodotok, jezero ili obalno more može vršiti samo na način kojim se obezbjeđuje da se ne pogoršava utvrđena kategorija tog vodotoka, jezera ili obalnog mora iz odredaba ovog člana.

Očuvanje utvrđene kategorije određenog vodotoka, jezera ili obalnog mora, odnosno stvaranje uslova da se poboljša kvalitet voda, obezbjeđuje se naročito donošenjem i sprovođenjem vodoprivrednih osnova, vodoprivrednih planova i programa, plana zaštite voda od zagađivanja (član 125. stav 3. Zakona o vodama), vodoprivrednim saglasnostima, vodoprivrednim dozvolama, inspekcijским nadzorom, izgradnjom i pravilnim održavanjem i pogonom objekata i uređaja za prečišćavanje otpadnih voda, preduzimanjem mjera koje obezbjeđuju povećanje protoke, izgradnjom akumulacija, zabranom izgradnje objekata u gornjim i srednjim tokovima vodotoka, ili gornjim horizontima u kraškim područjima, dislociranjem većih i srednjih zagađivača iz zaštitnih zona izvorišta voda ili gornjih i srednjih dijelova vodotoka u donji tok vodotoka, itd.

U primjeni ovog člana, a i Uredbe o kategorizaciji vodotoka, treba imati u vidu i slijedeće okolnosti:

- da je Socijalistička Republika Hrvatska od 1991. godine postala samostalna država - Republika Hrvatska;
- da je Socijalistička Republika Bosna i Hercegovina postala samostalna država Bosna i Hercegovina - sa dva entiteta;
- da su međuentitetskim linijama razgraničenja presječeni svi veći vodotoci u Bosni i Hercegovini: Una od granice sa Republikom Hrvatskom do Bosanske Otoke u čijoj je blizini linija razgraničenja entiteta, rijeka Sana uzvodno od Ključa do zaključno u blizini Prijedora, rijeka Vrbas od uzvodnog dijela Plivskog jezera uzvodno od hidroelektrane Jajce gdje se nalazi međuentitetska linija razgraničenja, rijeka Bosna od izvora do pred grad Doboj, rijeka Drina nizvodno od Foče do nizvodno od Goražda, kanalisano korito rijeke Trebišnjice nizvodno od Popovog polja do ušća u Neretvu, rijeka Sava na području Općine Odžak i Orašje itd.

## **Član 4.**

**Vodotoci koji nisu navedeni u prethodnom članu raspoređuju se u II kategoriju. Ove vodotoke opštinske skupštine mogu rasporediti u I kategoriju, ukoliko vode tih vodotoka ispunjavaju uslove voda klase I.**

---

Ovom odredbom svi ostali podaci i prirodna ili vještačka jezera koji nisu navedeni u članu 3. Uredbe o kategorizaciji vodotoka raspoređeni su u II kategoriju.

Druga rečenica člana 4. Uredbe o kategorizaciji vodotoka nije na snazi, jer je u suprotnosti sa odredbom člana 123. stav 4. Zakona o vodama po kojoj Vlada Federacije ima isključivo prava kategorizacije voda u Federaciji Bosne i Hercegovine.

## Član 5.

**Izvorišta svih vodotoka raspoređuju se u I kategoriju, a opštinske skupštine određiće granice ove kategorije.**

---

Odredbom člana 5. izvorišta svih vodotoka u Federaciji BiH raspoređena su u I kategoriju.

Dio odredbe ovog člana koji konstituišu ovlaštenje Općinskih skupština nije na snazi iz razloga navedenih u komentaru uz član 4.

## Član 6.

**Ovlašćuju se opštinske skupštine da u naseljenim mjestima odrede bližu granicu između pojedinih kategorija vodotoka.**

---

Odredba ovog člana u cjelini nije na snazi, jer je u suprotnosti sa odredbom člana 123. stav 4. Zakona o vodama. Vidi komentar uz član 4. ove uredbe.

## Član 7.

**O sprovođenju ove uredbe staraće se Republička komisija za vodoprivredu. Po potrebi ona daje i potrebna stručna uputstva i objašnjenja za njeno sprovođenje.**

---

S obzirom na izmjene nadležnosti, to je za sprovođenje ove uredbe nadležno Federalno ministarstvo poljoprivrede, vodoprivrede i šumarstva i kantonalni - županijski organi uprave nadležni za poslove vodoprivrede (upravno rješavanje i inspeksijski nadzor). Međutim, kada su u pitanju davanje stručnih mišljenja i objašnjenja za to je nadležno Federalno ministarstvo poljoprivrede, vodoprivrede i šumarstva.

## Član 8.

**Ova uredba stupa na snagu osmog dana od dana objavljivanja u "Službenom listu SR BiH".**

1.V. broj 73/67.  
18.decembra 1967. godine  
Sarajevo

Potpredsjednik  
Izvršnog vijeća,  
Todo Kurtović, s.r.